

যুব ও ক্রীড়া মন্ত্রণালয়
বঙ্গবন্ধু ক্রীড়াসেবী কল্যাণ ফাউন্ডেশনের সার্বিক কার্যক্রমের
প্রতিবেদন

ক্রীড়া, খেলাধুলা ও শরীর চর্চায় যারা অবদান রেখেছেন বা রাখছেন তাঁদের কল্যাণার্থে জাতির পিতা বঙ্গবন্ধু শেখ মুজিবুর রহমান ০৬ আগস্ট, ১৯৭৫ তারিখে “বঙ্গবন্ধু ক্রীড়াসেবী কল্যাণ ফাউন্ডেশন” প্রতিষ্ঠার প্রস্তাব সদয় অনুমোদন করেন। ০৯ আগস্ট, ১৯৭৫ তারিখে এতদসংক্রান্ত প্রস্তাবটি গেজেট প্রকাশের জন্য বাংলাদেশ সরকারি মুদ্রণালয়ে প্রেরণ করা হয়। কিন্তু গেজেট প্রকাশের পূর্বেই ১৫ আগস্ট, ১৯৭৫ তারিখে জাতির পিতা বঙ্গবন্ধু শেখ মুজিবুর রহমান সপরিবারে নির্মমভাবে শাহাদত বরণ করেন। জাতির পিতা বঙ্গবন্ধু শেখ মুজিবুর রহমানের লালিত স্বপ্ন বাস্তবায়নের লক্ষ্যে ‘বঙ্গবন্ধু ক্রীড়াসেবী কল্যাণ ফাউন্ডেশন আইন, ২০১১ (২০১১ সালের ৩নং আইন) প্রণয়নের মাধ্যমে “বঙ্গবন্ধু ক্রীড়াসেবী কল্যাণ ফাউন্ডেশন” প্রতিষ্ঠিত হয়েছে। ২০১২ সন হতে জাতীয় ক্রীড়া পরিষদের পুরাতন ভবনের ৪র্থ তলায় এই ফাউন্ডেশন অফিসের কার্যক্রম চালু রয়েছে।

২। রূপকল্প : ক্রীড়াসেবীদের দারিদ্র হ্রাস ও ক্রীড়ার মান উন্নয়ন।

৩। অভিলক্ষ্য : ক্রীড়া, খেলাধুলা ও শরীরচর্চায় উল্লেখযোগ্য অবদান রাখা ক্রীড়াসেবী ও তাঁদের পরিবারের কল্যাণ সাধনের মাধ্যমে দারিদ্র হ্রাস এবং ক্রীড়ার মান উন্নয়নে উৎসাহ প্রদান।

৪। কার্যাবলী :

উল্লেখিত আইনের ৭ ধারার বিধান অনুযায়ী ফাউন্ডেশনের কার্যাবলী নিম্নরূপ :

- (ক) দুস্থ, আহত ও অসমর্থ ক্রীড়াসেবী ও তাঁদের পরিবারের জন্য চিকিৎসা ব্যবস্থা, আর্থিক সহায়তা, অনুদান প্রদান অথবা মাসিক বা বাৎসরিক বৃত্তি প্রদান করা;
- (খ) দুস্থ, আহত ও অসমর্থ ক্রীড়াসেবীদের মৃত্যুর ক্ষেত্রে তাঁদের পরিবারের জন্য চিকিৎসা ব্যবস্থা, আর্থিক সহায়তা, অনুদান প্রদান অথবা মাসিক, ষান্মাসিক বা বাৎসরিক বৃত্তি প্রদান করা;
- (গ) ক্রীড়াক্ষেত্রে অসামান্য কৃতিত্বের জন্য বিশিষ্ট ক্রীড়াবিদ ও ক্রীড়া সংগঠকদের জন্য পুরস্কার প্রদান করা;
- (ঘ) ক্রীড়াবিদ ও ক্রীড়া সংগঠকদের দক্ষতার উৎকর্ষ সাধনের নিমিত্ত আর্থিক সহায়তা, বৃত্তি বা অনুদান প্রদান করা;
- (ঙ) ক্রীড়াসেবীর পরিবারের মেধাবী সদস্যকে শিক্ষার জন্য বৃত্তি বা স্টাইপেন্ড প্রদান করা;
- (চ) দুস্থ, আহত বা অসমর্থ ক্রীড়াসেবী এবং পরিবারের কল্যাণ ও পুনর্বাসনের উদ্দেশ্যে সরকারের পূর্বানুমোদনক্রমে প্রকল্প গ্রহণ ও বাস্তবায়ন করা;

- (ছ) ক্রীড়াসেবীদের সার্বিক কল্যাণার্থে সরকারের পূর্বানুমোদনক্রমে বিভিন্ন ধরনের স্কীম প্রবর্তন, প্রকল্প গ্রহণ ও বাস্তবায়ন করা;
- (জ) তহবিল বৃদ্ধির উদ্দেশ্যে সরকারের পূর্বানুমোদনক্রমে স্থাবর ও অস্থাবর সম্পত্তি অর্জন, হস্তান্তর ও পরিচালনা করা বা বিভিন্ন ধরনের স্কীম প্রবর্তন, প্রকল্প গ্রহণ ও পরিচালনা করা;
- (ঝ) সরকার কর্তৃক আরোপিত শর্তাধীনে উহার অনুমোদিত প্রকল্পের জন্য ঋণ সংগ্রহ করা;
- (ঞ) লক্ষ্য ও উদ্দেশ্য বাস্তবায়নের জন্য চাঁদা, অনুদান ও উপহার গ্রহণ এবং লটারীর ব্যবস্থা করা;
- (ট) তহবিল পরিচালনা ও প্রশাসনিক উদ্দেশ্যে প্রয়োজনীয় কার্যক্রম গ্রহণ করা;
- (ঠ) উপরি-উক্ত দফাসমূহে উল্লিখিত কার্যাবলী সম্পাদনের জন্য যে কোন প্রয়োজনীয় ব্যবস্থা গ্রহণ এবং এই আইনের উদ্দেশ্য পূরণকল্পে প্রয়োজনীয় অন্যান্য কার্য সম্পাদন করা।

৫। পরিচালনা বোর্ড :

আইনের ৬ ধারার বিধান মতে ফাউন্ডেশনের কার্যক্রম পরিচালনার জন্য নিম্নরূপভাবে একটি পরিচালনা বোর্ড গঠন করা হয়েছে :

- | | | |
|---|---|------------------|
| (ক) মাননীয় প্রতিমন্ত্রী, যুব ও ক্রীড়া মন্ত্রণালয়, পদাধিকার বলে | - | চেয়ারম্যান |
| (খ) সচিব, যুব ও ক্রীড়া মন্ত্রণালয়, পদাধিকার বলে | - | ভাইস চেয়ারম্যান |
| (গ) যুগ্ম-সচিব, যুব ও ক্রীড়া মন্ত্রণালয়, পদাধিকার বলে | - | সদস্য |
| (ঘ) মহাপরিচালক, বাংলাদেশ ক্রীড়া শিক্ষা প্রতিষ্ঠান, পদাধিকার বলে | - | সদস্য |
| (ঙ) পরিচালক, ক্রীড়া পরিদপ্তর, পদাধিকার বলে | - | সদস্য |
| (চ) সভাপতি, বাংলাদেশ মহিলা ক্রীড়া সংস্থা, পদাধিকার বলে | - | সদস্য |
| (ছ) উপ-সচিব ক্রীড়া, যুব ও ক্রীড়া মন্ত্রণালয়, পদাধিকার বলে | - | সদস্য |
| (জ) জাতীয় ক্রীড়া পরিষদ চেয়ারম্যান কর্তৃক মনোনিত নির্বাহী কমিটির সদস্য | - | সদস্য |
| (ঝ) সরকার কর্তৃক মনোনীত ক্রীড়া ও খেলাধুলায় অনুরাগী তিনজন ব্যক্তি
যাদের মধ্যে অন্ত্যন একজন মহিলা হবেন | - | সদস্য |
| (ঞ) সচিব, বঙ্গবন্ধু ক্রীড়াসেবী কল্যাণ ফাউন্ডেশন, পদাধিকার বলে | - | সদস্য সচিব |

৬। সাংগঠনিক কাঠামো :

বঙ্গবন্ধু ক্রীড়াসেবী কল্যাণ ফাউন্ডেশনের জন্য নিম্নরূপ ০৬ (ছয়) জন কর্মকর্তা/কর্মচারীর পদ অস্থায়ীভাবে সৃজিত হয়েছে। আইনের বিধান অনুযায়ী বাংলাদেশ সরকারের একজন যুগ্মসচিব ফাউন্ডেশনের সচিব হিসেবে দায়িত্ব পালন করেন।

ক্র. নং	বিবরণ	কর্মরত	শূন্য	মন্তব্য
(ক)	সচিব	১ জন		শূন্যপদে এনএসসির এক জন কর্মচারী প্রেষণে নিয়োজিত রয়েছেন।
(খ)	নির্বাহী কর্মকর্তা	১ জন		
(গ)	সহকারী হিসাব রক্ষণ কর্মকর্তা	১ জন		
(ঘ)	অফিস সহকারী কাম-কম্পিউটার অপারেটর	১ জন	১ জন	
(ঙ)	অফিস সহায়ক	২ জন		
	মোট :	৬ জন		

ফাউন্ডেশনের বোর্ড সভায় গৃহীত সিদ্ধান্ত অনুযায়ী গঠিত কমিটির সুপারিশের আলোকে ফাউন্ডেশনের জন্য ২০ জন কর্মকর্তা/কর্মচারীর পদ সম্বলিত সাংগঠনিক কাঠামো অনুমোদনের জন্য জনপ্রশাসন মন্ত্রণালয়ে প্রস্তাব প্রেরণ করা হয়েছে।

৭। বঙ্গবন্ধু ক্রীড়াসেবী কল্যাণ ফাউন্ডেশনের অর্জনসমূহ :

(ক) সরকারের নিকট হতে বিভিন্ন সময়ে প্রাপ্ত সিডমানির পরিমাণ 7.২৫ কোটি টাকা। বিগত ০৮ নভেম্বর ২০১৮ তারিখে মাননীয় প্রধানমন্ত্রী ফাউন্ডেশনকে সিডমানি হিসেবে ১০.০০ কোটি টাকা প্রদান করেন। এছাড়া সরকারি বিভিন্ন কোম্পানীর সিএসআর তহবিল হতে প্রাপ্ত ৬০ লক্ষ টাকাসহ মোট ১৭.৮৫ কোটি টাকা বিভিন্ন তফসিলী ব্যাংকে স্থায়ী আমানত হিসেবে রক্ষিত আছে, যার মুনাফা এবং সরকারের রাজস্ব অনুদান দ্বারা অসচ্ছল, আহত, অসমর্থ, দুস্থ ক্রীড়াসেবী ও তাঁদের পরিবারের সদস্যদেরকে আর্থিক অনুদান প্রদান করা হয়।

(খ) ফাউন্ডেশন কর্তৃক অসচ্ছল, আহত, অসমর্থ, দুস্থ ক্রীড়াসেবী ও তাঁদের পরিবারের সদস্যদেরকে এককালীন আর্থিক অনুদানের প্রদানের বিবরণ নিম্নে দেওয়া হলো :

ক্র. নং	অর্থ-বছর	প্রাপ্ত আবেদন	অনুদান প্রদান	অর্থের পরিমাণ
(০১)	২০১১-২০১২	১৫০ টি	১১০ জন (১০,০০০/-)	১১,০০,০০০/- টাকা
(০২)	২০১২-২০১৩	৭১৯ টি	৫৩৩ জন (১৫,০০০/-)	৭৯,৯৫,০০০/- টাকা
(০৩)	২০১৪-২০১৫	১০৯৪টি	৬১৩ জন (১৫,০০০/-)	৯১,৯৫,০০০/- টাকা
(০৪)	২০১৫-২০১৬	১২৫০টি	৬৩০ জন (১৫,০০০/-)	৯৪,৫০,০০০/- টাকা
(০৫)	২০১৬-২০১৭	১৩২৯টি	৬৩৮ জন (১৫,০০০/-)	৯৫,৭০,০০০/- টাকা
(০৬)	২০১৭-২০১৮	১৭৫২টি	৬৪৫ জন (১৫,০০০/-)	৯৬,৭৫,০০০/- টাকা
(০৭)	২০১৮-২০১৯	১৭৬২টি	১০৫০ জন (১৫,০০০/-)	১,৫৭,৫০,০০০/- টাকা
	মোট :		৪,২১৯ জন	৬,২৭,৩৫,০০০/- টাকা

ফাউন্ডেশন প্রতিষ্ঠার পর হতে অদ্যাবধি (২০১১-২০১২ হতে ২০১৮-২০১৯ অর্থ-বছরে) সর্বমোট ৪,২৯৯ জন অসম্মল, আহত, অসমর্থ, দুস্থ ক্রীড়াসেবী ও তাঁদের পরিবারের সদস্যদেরকে ৬,২৭,৩৫,০০০/- টাকা এককালীন আর্থিক অনুদান প্রদান করা হয়েছে।

(গ) চলতি ২০১৯-২০২০ অর্থ-বছরে সরকারের বাজেট হতে বিশেষ অনুদান হিসেবে ১,৮৫,১৫,০০০.০০ টাকা বরাদ্দ পাওয়া গিয়েছে। উক্ত বিশেষ অনুদানের অর্থ এবং বিভিন্ন তফসিলী ব্যাংকে স্থায়ী আমানত হিসেবে রক্ষিত অর্থের মুনাফা দ্বারা বার্ষিক কর্মসম্পাদন চুক্তি (এপিএ) অনুযায়ী চলতি অর্থ-বছরে ১,১৫০ জন অসম্মল, আহত, অসমর্থ, দুস্থ ক্রীড়াসেবী ও তাঁদের পরিবারের সদস্যদেরকে মাসিক ২,০০০.০০ টাকা হারে বছরে ২৪,০০০.০০ টাকা করে মাসিক ভাতা/এককালীন অনুদান প্রদান করা হবে।

(ঘ) বঙ্গবন্ধু ক্রীড়াসেবী কল্যাণ ফাউন্ডেশন ২০১৮-২০১৯ অর্থ-বছর হতে অসম্মল, আহত বা অসমর্থ ক্রীড়াসেবীদের মাঝে চিকিৎসা সহায়তা প্রদান কার্যক্রম শুরু করেছে। ইতোমধ্যে ফাউন্ডেশন মোট ৪ জন অসম্মল, আহত বা অসমর্থ ক্রীড়াসেবীর প্রতি জনকে ১ লক্ষ টাকা করে চিকিৎসা সহায়তা প্রদান করেছে। ফাউন্ডেশনের চিকিৎসা সহায়তা কার্যক্রম ভবিষ্যতে অব্যাহত থাকবে। ফাউন্ডেশন কর্তৃক ক্রীড়াবিদ ও প্রাক্তন ক্রীড়াবিদদেরকে চিকিৎসা সহায়তা প্রদানের বিবরণ নিম্নে দেওয়া হলো :

০১)	বিকেএসপি'র প্রশিক্ষণার্থী জনাব মাহবুব এ এলাহী গরম পানিতে দগ্ধ হওয়ায় ২০১৮-২০১৯ অর্থ-বছরে তাঁকে ১,০০,০০০/- টাকা চিকিৎসার জন্য আর্থিক সহায়তা প্রদান করা হয়।
০২)	প্রাক্তন জাতীয় ব্যাডমিন্টন চ্যাম্পিয়ন (জাতীয় ব্যাডমিন্টন খেলোয়ার) আশেদা খাতুন রোমাকে ২০১৯-২০২০ অর্থ-বছরে ফুসফুসে ক্যান্সার রোগের চিকিৎসার জন্য ১,০০,০০০/- টাকা চিকিৎসা সহায়তা প্রদান করা হয়।
০৩.	বাংলাদেশ জাতীয় ক্রিকেট দলের সাবেক খেলোয়ার খন্দকার মোশাররফ হোসেনকে অপারেশন শেষে উন্নত চিকিৎসার জন্য ২০১৯-২০২০ অর্থ-বছরে ১,০০,০০০/- টাকা চিকিৎসা সহায়তা প্রদান করা হয়।
০৪.	প্রাক্তন জাতীয় শ্যুটার ও জাতীয় পদক প্রাপ্ত ক্রীড়াবিদ বেগম সাবরীনা সুলতানাকে 'নিউরোমাইলেটিস অপটিকা' রোগের চিকিৎসার জন্য ২০১৯-২০২০ অর্থ-বছরে ১,০০,০০০/- টাকা আর্থিক সহায়তা প্রদান করা হয়।

(ঙ) ২০১৭-১৮ অর্থ-বছর হতে ফাউন্ডেশনের মাসিক ভাতা/এককালীন অনুদান প্রদানের আবেদন গ্রহণ ও বাছাইয়ের ক্ষেত্রে অনলাইন পদ্ধতি চালু করা হয়েছে। এছাড়া ফাউন্ডেশনের ওয়েবসাইট নিয়মিত হালনাগাদ করা হচ্ছে এবং ই-নথির মাধ্যমে অফিসের সকল কার্যক্রম পরিচালিত হচ্ছে।